

【無為】

（科註第三四三頁第二行 第111-112集 2013年1月7日）

《佛學大辭典》：（術語）為者造作之義，無因緣造作，曰無為，又無生住異滅四相之造作曰無為，即真理之異名也。

此無為法有三種六種之別，三無為中之擇滅無為，六無為中之真如無為，是正為聖智所證之真理。曰涅槃，曰法性，曰實相，曰法界，皆無為之異名也。（中略）

大乘義章二曰：「釋有二：一對法外四相以釋，色心等法為彼法外四相所為，虛空等三不同彼故，名曰無為。二對法體四相以釋，色心等法一切皆有初生次住終異後滅前後集起，評之曰為，虛空等三無彼為故，名曰無為。」

【三無為】

（科註第三四三頁第二行）

【無為】

之補充解釋

《三藏法數》：〔出俱舍論〕

無為者，謂真空寂滅之理，本無造作，故名無為。

〔一、虛空無為〕，虛空即無礙之義。謂真空之理，不為惑染之所障礙，故名虛空無為。

〔二、擇滅無為〕，擇即揀擇，滅即寂滅。謂聲聞之人，用智揀擇，遠離見、思繫縛，即證寂滅真空之理，是名擇滅無為。

〔三、非擇滅無為〕，謂聲聞之人，證果之後，諸惑不復續起，自然契悟寂滅真空之理，不假揀擇，故名非擇滅無為。

【六無為】

《佛學大辭典》：（名數）大乘立六無為。但非謂有六種之別體，乃斷我法二執處所顯之一種真理，有、無、常、無常，皆不可名，但是法之實性，故名法性也，此一法性從所顯之緣分種種之名也。

一虛空無為，此法性離本來諸障礙之位所顯者名之。

二擇滅無為，依此法性智慧力斷煩惱之位所顯者名之。

三非擇滅無為，不由此法性之擇力而為本來清淨或緣缺之位所顯者名之。

四不動無為，此法性生於第四禪天離苦樂麤動之位所顯者名之。

五想受滅無為，此法性入於聖者非想地所攝之滅盡定。滅六識心想及苦樂二受之位所顯者名之。

六真如無為，由此法性有真實如常之相而名。

此中前五無為，就一法性所顯之位之差別，而假立為五種之名者也。前五者為詮法性之相之假名，後一者為詮法性之體之假名也。

由是而論，前五無為名體皆為假立；真如無為，體為定在，但真如之名為假立也。見唯識論二，百法問答鈔九。